



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-6594/19
Sarajevo, 06.02.2020.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnice Bilsene Šahman, dostavlja se;

VEZA: Vaš akt broj: 01-05-41335-81/19 od 26.11.2019.godine

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo")-Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je na 15. Radnoj sjednici Skupštine Kantona Sarajevo održanoj dana 19.11.2019. godine postavila zastupnica Bilsena Šahman.

Prilog:

-Akt Uprave policije broj: 02/2-02-2-7796/19 od 16.12.2019. godine

-CD;



Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02/2-02-2-7796/19

Datum: 16.12.2019. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO UNUTRAŠNJIH POSLOVA
SARAJEVO

Primljeno: 17-12-2019			
Org. jed.	Klasif. oznaka	Redni broj	Broj priloga
01-7	066-6595		

MINISTARSTVO UNUTRAŠNJIH POSLOVA KANTONA SARAJEVO
- n/r sekretara

PREDMET: Zastupničko pitanje zastupnice **Bilsene Šahman**, odgovor, dostavlja se;

Veza: Vaš akt broj: 01-7-02-2-6594/19 od 10.12.2019.godine

Na 15. Radnoj sjednici Skupštine Kantona Sarajevo održanoj dana 19.11.2019.godine zastupnica Bilsena Šahman je postavila zastupnička pitanja:

- „Da li će Ministarstvo unutrašnjih poslova KS informisati Skupštinu KS o preduzetim mjerama shodno usvojenim zaključcima na prošloj sjednici?

- Da li su, i ako nisu da li će ministri unutrašnjih poslova i rada, socijalne politike, raseljenih lica i izbjeglica ostvariti kontakt sa resornim Ministarstvima i funkcionerima na nivou Vijeća ministara BiH, kontakt sa predstavnicima međunarodnih organizacija koje se bave pitanjima zbrinjavanja migranata, prvenstveno sa IOM, te da ih informišu o zaključcima Skupštine KS, a da o ishodu tih razgovora informišu Vladu KS i Skupštinu KS, odmah po dobivanju traženih informacija?

- Da li je ministar rada socijalne politike, raseljenih lica i izbjeglica uspio da ostvari komunikaciju sa predstavnicima Općine Ilidža, ali i Općine Hadžići u kojoj se nalazi kamp Ušivak, te da shodno usvojenim zaključcima pokrene javnu raspravu sa lokalnim stanovništvom koje bi bilo pogodeno stihijskim odlukama o smještanju migranata u Blažuju, a ministar unutrašnjih poslova da dostavi mišljenje i analizu o prijetnjama po sigurnosnu situaciju u slučaju stihijskog smještaja migranata?

- Da li je Vlada KS razmatrala o imenovanju posebnog povjerenika. Shodno usvojenim zaključcima moje inicijative, za pitanja migracija koji će imati zadatak koordiniranja aktivnosti vezanih za migrantsku krizu i sve aspekte vezane za status migranata koji su trenutno smješteni u kasarnu Ušivak, ostvariti direktnu i neposrednu komunikaciju sa predstavnicima međunarodnih organizacija koji se bave pitanjima pomoći migrantima, prvenstveno sa IOM, ali i sa predstavnicima delegacije Evropske unije u BiH koji su glavni donatori pomoći migrantima”?

Razmatrajući navedena pitanja došli smo do zaključka da je Uprava policije MUP-a Kantona Sarajevo nadležna dati dio odgovora na pitanja kako slijedi

Pitanje broj 2 - Odgovor: Uprava policije MUP-a Kantona Sarajevo je svojim aktom broj 02/2-04-2-7574/19 od 09.12.2019.godine postavila upit Ministarstvu sigurnosti BiH, a u vezi Zaključka Vlade Kantona Sarajevo broj 02-05-40860-1/19 od 18.11.2019.godine, koji se odnosi na problematiku namjere preuzimanja kasarne Blažuj i smještaja migranta u prostor iste. Tom prilikom zatražene su konkretne informacije koje se odnose na tačan datum i vrijeme preuzimanja kasarne u Blažuju od strane Službe za poslove sa strancima Ministarstva sigurnosti BiH. Zatražene su informacije o kapacitetima kasarne odnosno koji broj migranata se namjerava smjestiti u istu i o kojoj populaciji migranata je riječ, odnosno sa kog lokaliteta se isti dislociraju radi smještaja u Blažuj. Kako bi se adekvatno i na vrijeme Uprava policije MUP-a Kantona Sarajevo pripremila i sačinila odgovarajući plan za postupanje od Ministarstva sigurnosti Bosne i Hercegovine zatraženi su i drugi relevantni pokazatelji koji su potrebni za procjenu sigurnosne situacije. Tom prilikom akcenat je dat na pravovremenu razmjenu informacija kao faktoru za unapređenje saradnje. Dana 10.12.2019.godine Uprava policije MUP-a Kantona Sarajevo je zaprimila akt Ministarstva sigurnosti broj: 18.5.2-50-7859-1 od 10.12.2019.godine kojim nas obavještavaju da će se u skladu sa dogovorom između Vijeća ministara BiH, ministra sigurnosti BiH i premijera Vlade USK-a, istog dana započeti sa izmještanjem jednog broja migranata u organizaciji IOM-a, sa lokaliteta Vučjak područje USK-a na područje Kantona Sarajevo u objekat privremenog prihvatanog kampa Ušivak, područje općine Hadžići. Tom prilikom najavljeno je izmještanje 300-350 migranata, te su navedene trase kretanja autobusa sa migrantima, a zatražena je pomoć u smislu vršenja pratnje i obezbjeđenja od strane policijskih službenika kolone sa autobusima u kojima se prevoze migranti. Podaci o starosti, državljanstvu, zdravstvenom stanju, sigurnosno interesantnim licima i druga sa sigurnosnog aspekta bitna obavještenja, nam nisu dostavljena.

Pitanje broj 3. -Odgovor: Povećan broj migranata, kao i težnje da se dodatni broj migranata smjesti u Kantonu Sarajevo bez adekvatnog obezbjeđenja humanih uvjeta za boravak može predstavljati opterećujući faktor po sigurnosnu situaciju u Kantonu Sarajevo, a naročito na mikro područjima gdje je koncentracija istih najveća, tačnije na području općina Ilidža i Hadžići. Trenutno je najbitnije da se suzbije kriminalni potencijal grupe ljudi koja eventualno može biti nezadovoljna uvjetima gdje boravi, ali i sklonost za činjenje krivičnih djela, određenih lica koja imaju kriminalnu prošlost, o kojoj mi trenutno nismo obavješteni. Ogranizacione jedinice Uprave policije su sačinile odgovarajuće planove rada, a takođe se provode i aktivnosti na prikupljanju relevantnih podataka o migrantima, a za što je angažiran veći broj pripadnika Uprave policije MUP-a Kantona Sarajevo.

